



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 29. |

NOVOSTI

Na Jahorini, Hotel „Vučko“, održam je V. Redovni dvodnevni sastanka Pravosudne Mreže BiH, 21. / 22. 04. 2017. godine

Za dnevni red sastanka stavljeni su:

- Prijedlog preporuka I Radne grupe „Efikasnost i nepristrasnost i odgovornost nosilaca pravosudnih funkcija“ ;
- „Primjena novih instituta u kaznenom zakonodavstvu i druga pitanja od značaja za poboljšanje efikasnosti – analiza, iskustva, preporuke“.
- Nacrt preporuka II Radne grupe „Položaj, nezavisnot i način izbora članova VSTV-a“ – Nacrt preporuka za izmjene i dopune Zakona o VSTV-u.



USAID
FROM THE AMERICAN PEOPLE







Veliki doprinos Norveške uspjesima u reformi pravosuđa - Ambasadorica Norveške posjetila VSTV BiH

Ambasadorica Kraljevine Norveške u Bosni i Hercegovini N.J.E. Guri Rusten imala je 27.4.2017. godine nastupnu posjetu Visokom sudskom i tužilačkom vijeću Bosne i Hercegovine (VSTV BiH). Ambasadoricu je ugostio predsjednik VSTV-a BiH Milan Tegeltija sa saradnicima.

Tokom posjete ambasadorica Rusten i predsjednik Tegeltija su razgovarali o važnim temama vezanim za rad pravosuđa, sa akcentom na pitanje daljeg očuvanja nezavisnosti pravosuđa, transparentnosti VSTV-a BiH i rezultatima koji su ostvareni u procesuiranju predmeta korupcije.

Predsjednik Tegeltija je uputio riječi zahvalnosti Vladi i narodu Norveške na cjelokupnoj pomoći i podršci istakavši da je Norveška, pojedinačno gledajući, najvažniji partner bosanskohercegovačkog pravosuđa i da je svoje prijateljstvo posebno iskazala u najtežim periodima za pravosuđe, na početku reforme, pri reorganizaciji mreže sudova, izgradnji IKT infrastrukture i rekonstrukciji zgrada pravosudnih institucija. Takođe je rekao da postoji još izazova i da pravosuđe snažno računa na podršku Norveške u suočavanju sa njima kako bi se zadovoljio optimum demokratizacije društva na putu ka Evropskoj uniji.

Ambasadorica Rusten je iskazala zahvalnost na prijemu, naglasivši dobre i dugoročne odnose sa bh. pravosuđem, te istakla da su vidljivi rezultati realizacije projekata kada je riječ o smanjenju broja neriješenih predmeta, dužini trajanja postupaka pred sudovima i drugim aktivnostima. Takođe se osvrnula na angažman stručnjaka iz Norveške i saradnju sa Sudskom administracijom Norveške na izradi izvještaja o procesu imenovanja, ocjenjivanja i napredovanja u karijeri nosilaca pravosudnih funkcija, čija je realizacija u toku.

Govoreći o rezultatima, predsjednik Tegeltija je istakao da, bez obzira na nedostatke, pravosuđe generalno predstavlja najbolji dio društva, te da je direktan doprinos tome dala i Norveška. Posebno je naglasio rezultate u oblasti procesuiranja predmeta korupcije. Govoreći o percepciji javnosti u odnosu na stvarno postignute rezultate predsjednik je rekao: „Sretni smo kada na temelju argumenta razgovaramo o našim rezultatima i kada vidimo da zemlje iz okruženja koriste naša iskustva, da su one sada tamo gdje smo mi bili prije deset i više godina.“

Na kraju sastanka ambasadorica Rusten je istakla da se raduje daljoj saradnji posebno kroz proces evaluacije dosadašnjih rezultata saradnje i definisanja oblika saradnje u budućnosti.

Preuzeto sa <http://vsts.pravosudje.ba>

Održan seminar „Proaktivna uloga šefova sudskih odjeljenja u upravljanju odjeljenjima“

U prostorijama Centra za edukaciju sudija i tužilaca Republike Srpske (CEST RS) u Banja Luci održan je seminar na temu „Proaktivna uloga šefova sudskih odjeljenja u upravljanju odjeljenjima“. Seminar je organizovalo Visoko sudsko i tužilačko vijeće Bosne i Hercegovine (VSTV BiH) u saradnji s CEST-om FBiH u okviru projekta „Konsolidacija i dalji razvoj pravosudnog komunikacijskog i informacijskog sistema“ kojeg finansira Evropska unija iz programa IPA 2013.

U prvom dijelu seminara predstavljene su karakteristike dobrog i lošeg menadžera te važnost strukture jedne organizacije za njeno uspješno funkcionisanje. Drugi dio seminara je bio posvećen osnovnim principima organizacije suda i sudskih odjeljenja te efikasnog planiranja rada i bolje komunikacije u sudu, a sve s ciljem razumijevanja na koji način upravljačka kultura u sudu može promovisati zajedničke ciljeve i kolegijalnu saradnju. Također se govorilo o upravljanju resursima kao i kontroli odnosno nadzoru u sudu te nadzorom rada sudskih odjeljenja. Na kraju, učesnicima su predstavljeni osnovni principi upotrebe informaciono-komunikacionih tehnologija s ciljem što efikasnijeg upravljanja sudskim odjeljenjima.

S obzirom na veliki broj predmeta koji opterećuju pravosuđe BiH i neprimjerenu dužinu trajanja sudskih procedura te često nedovoljne ljudske resurse koji su na raspolaganju, VSTV BiH je prepoznao potrebu za unapređenjem upravljačke uloge u sudovima kroz poboljšanje znanja o organizacijskim i menadžerskim vještinama, što će u konačnici doprinijeti povećanju produktivnosti rada sudova a samim tim i efikasnosti pravosuđa u BiH.

Predavači na ovom seminaru su bili Bojan Stević, predsjednik Okružnog suda u Trebinju, Marin Zadić, sudija Kantonalnog suda u Mostaru, Erol Mujanović, stručnjak za liderstvo te predstavnik Projekta, analitičar Irena Đurak. Učesnici su bili šefovi sudskih odjeljenja i sudije ali i predsjednici sudova kao i zamjenici predsjednika i sekretari sudova koji žele unaprijediti svoj rad i rukovodne vještine.

Preuzeto sa <http://vsts.pravosudje.ba>

Održana radionica za glasnogovornike/glasnogovornice i službenike/službenice za odnose sa javnošću u tužilaštvima i policijskim agencijama

U organizaciji Visokog sudskog i tužilačkog vijeća Bosne i Hercegovine (VSTV BiH) kroz Projekat jačanja tužilačkih kapaciteta u sistemu krivičnog pravosuđa, u saradnji sa USAID-ovim Projektom pravosuđa u BiH, danas je u Sarajevu okončana dvodnevna radionica za glasnogovornike/glasnogovornice i službenike/službenice za odnose sa javnošću u tužilaštvima i policijskim agencijama.

Tokom prvog dana radionice učesnici/učesnice su imali priliku upoznati se sa mehanizmima praćenja komunikacije s javnošću koje su, u saradnji sa glasnogovornicima/glasnogovornicama, razvili USAID-ov projekat pravosuđa i VSTV-ov Projekat jačanja tužilačkih kapaciteta u sistemu krivičnog pravosuđa.

Glasnogovornik Tužilaštva BiH i učesnik radionice Boris Grubešić je tokom poslijepodnevne sesije govorio o načinima saradnje i komunikacije pravosuđa i policijskih agencija sa lokalnim zajednicama.

Tema drugog dana radionice je izazvala posebno interesovanje učesnika/učesnica, a riječ je o „Rodno senzibilnom govoru“, koji prema dosadašnjim analizama nije bio u dovoljnoj mjeri zastupljen u izvještavanju tužilaštava i policijskih agencija. Profesorica i lingvistica Sandra Zlotrg je upoznala glasnogovornike/glasnogovornice sa značajem integracije rodno senzibilnog jezika u svakodnevnu komunikaciju pravosudnih institucija i policijskih agencija sa medijima i javnosti.

Preuzeto sa <http://vsts.pravosudje.ba>

